

PAGBANTAY SA LAANG

(beware of trap)



UNSAY IPASABOT SA PULONG LAANG?

Usa ka dili maayong panghitabo
nga wala damhang moabot nga
mosangpot ngadto sa kalaglagaan.

Example sa mga tawo
nga nabiktima sa laang:

1) SAMSON

Maghuhukom 14:15

“Sa ikaupat ka adlaw giingnan nila ang asawa ni Samson, ‘Lansisi ang imong bana sa pagtug-an kanamo sa kahulogan sa tigma. Kay kon dili, sunogon namo ang balay sa imong amahan, ug iapil ka namo pagsunog.

Gidapit ba ninyo kami aron panapion?

Maghuhukom 14:12-13

**“Si Samson miingon kanila,
‘Tigmoan ko kamo. Makigpusta ako
kaninyog 30 ka pirasong lino ug 30
ka maayong bisti nga dili kamo
makatag-an niini sa dili pa matapos
ang pito ka adlawng kombira. Unya
miingon sila, ‘Sultihi kami sa imong
tigmo.**

Maghuhukom 14:14

“Miingon si Samson, ‘Gikan sa manunukob migula ang makaon; gikan sa kusgan migula ang matamis.’ Milabay ang tulo ka adlaw ug wala pa gihapon sila makatag-an sa kahulogan sa tigmo.”

Maghuhukom 14:8-9

“Human molabay ang pipila ka adlaw mibalik si Samson aron pagpangasawa kaniya. Mitipas siya sa dalan aron pagtan-aw sa liyon nga gipatay niya ug natingala siya pagkakita niya sa mga putyakan ug sa dugos nga diha sa patayng lawas sa liyon. (9)Mikandos siyag dugos pinaagi sa iyang kamot ug gikaon niya kini samtang naglakaw siya. Miadto siya sa iyang amahan ug inahan ug gihatagan niya sila niini. Nangaon sila apan wala sultihi ni Samson nga kinuha niya ang dugos gikan sa patayng lawas sa liyon.”

Maghuhukom 14:18-19

“Busa sa ikapitong adlaw, sa wala pa mosulod si Samson sa lawak-katulgan, giingnan siya sa mga tawo ‘May tam-is pa ba kay sa dugos? Ug may kusgan pa ba kay sa liyon? Si Samson mitubag, ‘Kon wala pa kamo magdaro pinaagi sa akong baka, dili gayod unta kamo masayod sa tubag.’ (19) Unya si Samson gigamhan pag-ayo sa espiritu sa Ginoo ug nahimo siyang kusgan. Miadto siya sa Ascalon ug gipatay niya didto ang 30 ka tawo, gitulisan, ug gikuhaan niya sila sa ilang maayong bisti ug gihatag sa mga tawo nga nakatubag sa tigma. Unya mipauli siya sa ila nga napungot pag-ayo sa nahitabo.

2) EVA

Genesis 3:4-6

“Miingon ang bitin, ‘Dili tinuod nga mamatay kamo! (5)Gisulti kini sa Dios kaninyo kay nasayod man gud siya nga kon mokaon kamo niini, maabli ang inyong salabotan ug mahisama kamo kaniya nga nasayod unsay maayo ug unsay daotan.”

3) JUDAS

MATEO 26:14-16

“Unya ang usa sa napulog-duha ka tinun-an, ang ginganlag Judas Iscariote – miadto sa kadagkoan sa mga pari (15)ug miingon, ‘Unsa may inyong ihatag kanako kon itugyan ko kaninyo si Jesus? Miihap sila ug katloan ka salapi nga sinsilyo ug gihatag kaniya. (16)Niadtong adlawa si Judas nangitag maayong higayon sa pagbudhi kang Jesus.”

**Adunay 5 ka mga
butang nga angay
natong himoon aron dili
kita mabiktima sa laang**

1) MAGMATINUD-ANON – Be Honest

Genesis 39:7-10 “Wala dangtig dugay, ang asawa ni Potifar giabot ug kaibog kang Jose ug miingon siya, ‘Magdulog kita. (8)Apan midumili si Jose ug miingon, ‘Samtang ania ako dinhi gipiyal kanako sa imong bana ang tanan nga ania niining balaya. (9)Managsama kamig gahom niining balaya, ug walay bisan unsa dinhi nga gihikaw niya kanako gawas kanimo nga iyang asawa. Busa dili ako makaako paghimo sa ingon kadaotang buhat ug sa pagpakasala batok sa Dios. (10)Ug bisag adlaw-adlaw gidani si Jose sa asawa ni Potifar aron makighilawas kaniya, wala gayod manumbaling si Jose.”

2) PANGANDAM – Be Ready

Mateo 24:44

**“Busa kamo usab kinahanglan
mag-andam kanunay kay
moabot ang Anak sa Tawo sa
takna nga kamo wala
magpaabot kaniya.”**

3) MABINANTAYON – Be Watchful

Mateo 24:4

“Si Jesus mitubag, ‘Pagbantay kamo ug ayaw kamo palimbong ni bisan kinsa, (5)kay sa akong ngalan daghang tawo ang moanhi nga mag-ingon, ‘Ako ang Mesiyas! Ug daghan ang malimbongan.”

Lucas 21:34-35

“Busa pagbantay kamo! Ayaw kamo patuyang sa pagkaon ug pag-inom sa makahubog nga ilimnon, ug ayaw kamo padaog sa mga kabalaka mahitungod niining kinabuhia, kay tingali unyag hikalitan kamo niadtong Adlaw; (35)kay moabot kini sa tanang mga tawo sa tibuok kalibotan ingon sa usa ka lit-ag.”

4) MAGTUKAW – Be vigilant

1 Pedro 5:8

**“Pagbantay ug pagtukaw
kamo kay ang inyong kaaway
nga mao ang Yawa
naglibotlibot kaninyo sama
sa liyon nga nagngulob,
nangita ug tukbonon.”**

5) MOSUKOL – TO RESIST

Santiago 4:7

**“Busa pagmasinugtanon
kamo sa Dios. Sukli ninyo
ang Yawa ug modagan siya.**

Unsaon pagsukol ang kaaway?

Mateo 4:1-10 “Unya gidala si Jesus sa Espiritu ngadto sa kamingawan aron tintalon sa Yawa. (2)Nagpuasa siya sulod sa kap-atan ka adlaw ug kap-atan ka gabii ug unya gigutom siya. (3)Ang Yawa miduol kaniya ug miingon, ‘Kon Anak ka sa Dios, himoang pan kining mga bato.’ (4)Si Jesus mitubag, ‘Ang Kasulatan nag-ingon, ‘Dili mabuhi ang tawo sa pan lamang, kondili sa matag pulong usab nga isulti sa Dios. (5)Unya si Jesus gidala sa Yawa ngadto sa Balaang Siyudad, ug gipahiluna siya sa kinatas-ang bahin sa Templo,

(6)ug giingnan, ‘Kon ikaw Anak sa Dios, ambak ngadto sa ubos, kay nag-ingon man ang Kasulatan, ‘Ang Dios magsugo sa iyang mga anghel pagbantay kanimo: Sapnayon ka nila sa ilang mga kamot, aron dili madugmok sa bato bisan gani ang imong tiil.’ (7)Si Jesus mitubag, ‘Apan nag-ingon usab ang Kasulatan, ‘Ayaw tintala ang Ginoo nga imong Dios. (8)Unya gidala si Jesus sa Yawa ngadto sa usa ka taas kaayong bukid ug gipakita kaniya ang tanang gingharian sa kalibotan ug ang ilang kaanindot. (9)Ang Yawa miingon, ‘Ihatag ko kanimo kining tanan kon moluhod ka ug mosimba kanako. (10)Si Jesus mitubag, ‘Pahawa, Satanas! Ang Kasulatan nag-ingon, ‘Simbaha ang Ginoo nga imong Dios ug siya lamang ang alagari.”

Unsay angay buhaton sa dihang moabot kining mga butanga?

1 Tesalonica 5:16-18

**“Pagmalipayon kamo kanunay,
(17)pag-ampo sa tanang panahon,
(18)ug pagpasalamat kamo bisag
unsay modangat kaninyo. Kini
mao ang kabubut-on sa Dios nga
buhaton ninyo sa ngalan ni Cristo
Jesus.”**

- **Pagmalipayon kanunay**
- **Pag-ampo sa tanang panahon**
- **Magpasalamat bisan unsay modangat**

PANAPOS:

- Atong hinumduman mga igsoon nga dili kita exempted sa mga laang sa kinabuhi.
- Atong ekspetahon nga kini moabot usab kanato.

Ang ato lang mga igsoon nga kinahanglan nga kita kanunay:

- **MAGMATINUD-ANON**
- **MANGANDAM**
- **MABINANTAYON**
- **MAGTUKAW**
- **MA-INAMPOON**
- **MAINAMPINGON**
- **MAPASALAMATON**